



KOMUNIKADO PA PRENSA

Fecha
9 mei 2016

Kolaboradó di Maneho
Corinne Leysner

Email
corinne.leysner@gobiernu.cw

KORSOU DEN SERI DI KLOKHUIS TOKANTE PATRIMONIO MUNDIAL

Willemstad- Den e próksimo kapitulo di e konosido programa pa mucha na Ulanda, Klokhuys, ta duna atenshon na Willemstad komo un di e dies sitionan den Reino ku ta riba lista di patrimonio mundial di UNESCO. Servisio pa Planifikashon Urbano, ku ta kai bou di Ministerio di Tráfiko, Transporte i Planifikashon Urbano, a yuda kristalisá grabashon di e kapitulo spesial aki di Klokhuys. E ta unu ku hopi informashon pa tur hende tokante nos sentronan di siudat, nan historia i nan importansia kultural.

Otro sitio riba e lista di patrimonio mundial ta konosí rònt mundu, manera e piramidanan di Gizeh, Muraya Chines i e Toren di Pisa. Den aña 2017 ta eksaktamente 20 aña ku Kòrsou ta para riba e lista di UNESCO. Planifikashon Urbano ke duna mas atenshon na e hecho aki i na e importansia pa nos pais pa aparesé riba e lista. E transmishon di Klokhuys ta fungi komo kuminsamentu di aktividatnan rondó di e selebrashon di 20 aña Kòrsou riba lista di patrimonio mundial.

E transmishon di Klokhuys tokante Willemstad ta pasa riba djarason dia 11 di mei próksimo, sinku minut prome ku mitar di unu di mèrdia (12:25). E ta pasa na NPO/Ned 3 loke klientenan di TDS por wak via di kanal 712. Si e ora no ta kumbiní, por wak e via di Uitzending Gemist òf via di www.hetklokhuys.nl òf via di Youtube. Tin posibilidat ku algun planta di televishon lokal ta pasé tambe.